

مجموعه سنون

۱۳

جمعیت علمیه عثمانیه

برنجی پسته

ربیع الاول

نومرو ۳

استانبول

وزیر خاندان ارزنجانلی اوغلو آرتین مناسیان مطبعه سنده
طبع اولمشدر

۱۲۷۹

زانورن دار الادب تعلیمی اولان پرنس مشار الیه فنشونک حسن
تربیه سندن و باخصوص اشبو کتاب تلماقک تدرس و مطالعه سندن
علم عرفان و فضائل اخلاقجه استفاده فیوضات بیغایات ایدرک بین
الاقران مشار بالبنان اولوب (من علمنی حرفاً قدصیرنی عبداً) حقوقنه
دخی کمال رعایتله حین وفاته قدر موسی الیه حقنده لوازم توقیر
و احترامکارینک ایفا سنده تجویز قصور ایلامشدر .

اشبو کتابک حاوی اولدیغی حکایات بالکلیه اصلسز اولوب
جزایر سبعه دن اتا کبه نک حاکی بولنان اولبس سائر یونانلورله برابر
اون سنه سورمش اولان تروا شهری محاصره سنه حین عزیمتده اوغلی
تلماق بشکده براقش و مدت غیابی یکرمی سنه ممتد اوله رق عودت
ایلامش اولغله تلماق مریمسی اولان منتور نام بر پیر عقل پرور ایله
بالرفاقه جستجوی پدر قصدیه عزم سفر ایلمش و مرآت عجائب
و عبر و مصدر انواع خیر و شر اولان سیر و سفر اثناسنده پک چوق
حالاته مظهر اولمش اولغله اشته کتاب مذکور شو سرگذشتلرک حکایه
و تفصیلندن عبارت اولوب فقط مؤلفک خیلی علاوات و تزییناتی
اولدیغی درکاردر .

(منیف)

(مابعد)

(قره طاغ)

قره طاغلور هر سنه سن بازیل نام زیارتک یوم مخصوصنده عقد
جمعیت ایدرک هر درلو دعاوی و منازعات واقعدرینی فصل ایتمک اوزره

حا کمر انتخاب ایدرلر و اشبو حاکمر هر سنه اجرای حکومت ایدوب هیچ بر صورت و حالده تکرار انتخاب اولنه مزلر . بر فاملیانک هر قاچ نفر اولادی اولور ایسه اولسون ایکی قرن داش بر وقته حاکم اوله مز . بو دخی حق مذکور دن ممکن مرتبه چوق فاملیانک حصه دار اولسی غرضنه میندر . اشبو حاکمرک اوصاف حیدنه ایله موصوف اولسنه دقت اولنور ایسده اقراننه نسبتله عقل و درایت و جرزه نطق اصحابندن اولسی دخی لازمه دن عد اولنور .

اشبو حاکمر کندولرینه عرض اولنان کوچک قباحتره دائر دعاوی بی صورت قطعیه ده یعنی اسنیاف قبول ایتمامک اوزره رؤیت و فصل ایدرلر . اگر بر حاکم بر قاچ دفعه خطا ایدر و عدم استقامت و اهلیتی آکلاشلور ایسه وقت معیننه انتظار اولنمیه رق عزل اولنوب یرینه بشقه سی تعیین و بعده ولادیقده ییلدیر یلرک انک طرفندن دخی مأموریتی تصدیق قنلور .

حکام مر قومه اولوجهله دعاوی صغیری کندولری فصل ایدرلر ایسده جنایت و یاخود امور مهمیه متعلق دعواری ناحیه تک مدیری مقامنده اولان مأموره و یاخود بیوک مجلسلری اولان سنایه حواله ایدرلر . اشبو محاکمک جله سنده رؤیت دعاوی برکوندن زیاده ممتد اوله میوب من منس اولنور . بو دخی اصحاب دعاوی ایشک ارقه سنده طولاشوب اضاعه وقت ایدرک بو وجهله هم کندولری و همده فاملیاری دوچار کلفت و خسار اولماق غرضنه میندر .

طرفین نره ده محاکمه اوله جقلرینه قرار ویردکد نصکره اول محله عزیمت ایدرلر و حاکمر اولجه اوراده بولنوب صورت آتیه ده رؤیت دعویاه ابتدار اولنور . حاکمر قوری یر یعنی اوت و طاشدن خالی طور اراق اوزرینه

اوزرینه اوتوروب طرفین مقابلارنده طورلر و هر بریسی نوبتی کلدیجه لقردی سوبلسی و بریسی سوزه باشلادقده دیگری قطع کلام ایلماسی خاصه کندولرینه تنبیه اولنور. اولاً مدعی و بعده مدعی علیه استماع اولندقدن صکره شاهدلر اجرای شهادت ایدرلر. کرک اصحاب دعاوی و کرک شاهدلر استماع اولندقجه بر سهو و خطاری اولماق ایچون افادات واقعه لرنده ایوجه دقت ایملری کندوزه توصیه و تأکید قنور.

بعده طرفین و شاهدلر و سایر خارجدن حاضر بولنلر تبعید اولنورق حاکملر یینلرنده بالتذکر! مادهیه قرار و یردکدنصکره ایچلرندن بریسی طرفینی چاغروب صورت آتیده کندولرینه تبلیغ حکم ایدر (دعوائی اولدیغی کبی استماع ایتدک و بو خصوصده قباحتملی کورینان فلاک شو قدر تضمین اچمسی و شو قدر دخی غلوبا یعنی جزای نقدی و یرمسنی مناسب کوردک) اشبو غلوبا اچمسی بعض کره حاکملر ییننده تقسیم اولنوب تحصیلنه دخی کندولری مأمور اولورلر.

غلوبا ریال و یاخود سوانسبک تعبیر اولنور اوستریا کوچک کش سکده سیله تعیین اولنور ایسه ده قره طاغلورده مسکوکات پک نادر بولندیغندن او مقوله جرایم اکثریا حیوانات و حبوبات و یاخود اسلحه اعطاسیله تسویه اولنور. و بشقه سنه زحمت اولماق ایچون او مقوله اشباتک قیتمی دخی حاکملر تخمین و قطع ایدرلر. بو مثل اولحالاک همان کافه سنده محکوم علیهمک سلاحلری اصحاب قدریدن بریسنک یانته ترهین ایله لازم کلان جریمه اچمسی اندن استقراض اولنور و اولخالده اشبو مبلغ دینک وعده سنی و لازم کلان فائضک مقدارینی کذلک حاکملر تحدید ایدرلر.

اگر محکوم اولان شخص ویره جکی رهن مقابلنده غلویایی ادایه کافی مقدار اچیه بوله من ایسه رهن در حال فروخت اولنوب فقط هر نه درجه ده اولور ایسه اولسون صاحب مالک اقرباسی ذی البد اعتبار ایله سائرلرینه ترجیح اولنور . اقربادن مشتری ظهور ایتدیکی حالده هر کس اشترا ایده بیلور . بهاسی جریمه ده وفا ایتد کدنصکره فضله قالور ایسه صاحب ماله اعطا اولنور .

مثلا قتل دعوارنده اولدیغی کبی اسلحه نیک قیمتی غلویا اچیه سنی ایفایه کافی اولدیغی حالده حاکم و طرفیندن انتخاب اولنان حکم لره برابر متهمک ترلاسنه کیدرک بهاسی تخمین ایله بر منوال محرر فروخت ایدرلر .

شخص محکوم فقیر اوله رق ادای جریمه ده غیر مقتدر اولدیغی حالده بر مدت معینه ایله حبس اولنوب اول مدت طرفنده ناحیه سی پاپاسی طرفندن اطعام اولنور .

بر شی سرقت اولنوبده سارق کیم اولدیغی اکلا شلمدیغی حالده صاحبی بر قاج دفعه مجامع ناسده کیفیتی اعلان ایدرک سارقنی خبر ویره بر مکافات وعد ایدر . و اشبو مکافات مال مسسروقک قیمتی تجاوز ایتماک دخی قاعده دندر .

خرسزک کیم اولدیغی خبر ویرلد کده . صاحب مال یانه کیدوب مر افعیه حاجت قالمقسزین دوستانه تسویه اولنقی اوزره هم سرقت اولنن شیک و همده خبر ویره مکافات اولقی اوزره وعد اولنان اچیه نیک کندوسنه زد واعطاسنی طلب و تکلیف ایدر . و اکثریا سارق بوکا موافقت ایدرک مصلحت بتور یلور فاللا سارق حاکم حضورینه کوتور یلوب اوراده انکار ایلدیکی حالده اولوقته قدر سختی بولنان مخبر میدانه کله رک

ماده سرشته نوجهله کسب وقوف ایلدیکنی افاده و اخبار ایدر . بو
دخی حاکمک قبول ایده جکی صورتده بولندیغنی حالده مال مسروق
استردادیه برابر مکافات اچیه سنی اعطا ایلسنه و بوندن بشقه بر جزای
نقدی ویرمسنه حکم اولنور . فقط بو مقوله غمازلر ابنای جنسی
بیننده غایت منفور و مذموم عد اولندیغندن سرقتک بو صورتله ظاهره
اخراجی وقوعی نوادرندر .

بر شخص متهم محاکمه دعوت اولنوبده اجابتدن امتناع ایلدیکی
حالده جایی ضمنده محضر قفللو بر ادم کوندربلوب بونک مصارف
سفریه سی دخی شخص متهمه تحمیل قلتور . قره طاغک بعض
محلارنده بو مقوله محضرلر احضارینه مأمور اولدقلری اشخاصک
خانهلرینه کیجه وقتی بر فزایله واروب دعوت ایتملی اصولندر .

مدعی اثبات مدعان عجز اظهار و یاخود مدعی علیه انکارده اصرار
ایلدیکی حالده حاکمک قنغی طرفه حق احتمالی غالب کورینور ایسه
اولطرف تحلیف اولنوب یاخود طرفک بریسی دیگرینه یمین تکلیف
ایدر . و اولخالده یمین ایده جک طرف کلپسایه کوتور بلوب اوراده خاچی
النه الهرق اوید کدنصکره خصمنک تلقینیه کلمات آیه یی تلفظ ایدر .
(اگر بو بکا عزو اولنان ایشده ذره قدر قباحتم و صورت وقوعنه بر
کونه معلوما تم وار ایسه شو خاچ شریف حقیچون اللهک و بطرس
حوارینک امداد و عنایتندن محروم اولهیم و دیلم لال اولسون و الله
بنم و اولاد و اخوانک بلامزی و هر وجهله جزامزی ویرسون)
بو وجهله قسم اولندقدنصکره حاکمک براز شبهه سی قالمش اولسه ییله
وبالی یونته اولسون دیهرک سبیلنی تخلیه ایدرلر . بعض حالات فوق
العاده اشبو اصول تحلیفدن بشقه متهم اولان شخص حقتده قطران

تجربه سی دخی اجرا اولنور . شویله که الی آتش اوزرنده اریمش قطرانه
صوقوب چیقارلر . اگر متا ر اولنر ایسه برائت ذمتنه علامت عد
اولنوت فاللا قباحلو اولدیغنه حکم اولنور .

بر قره طاغلو همجوارلرندن اها بسبیله صلح و صلاح اوزره بولندقلری
بر محلدن بر شی سرقت ایدوبده دعوی اولندیغی تقدیرده سرقت
داخلیده اولدیغی کبی سارق تجریم اولنوب یالکز مال مسروق
استداینه حکم اولنق قاعده لرندندر . فقط دائماً مشهود اولان
حرکات نامر ضبه لرینه نظراً بوکا رعایت اولندقدن بشقه قومشورینک
مال وجائنه تعرض و تسلطی واجبه ذمت خبائث منقبت عد ایتدکلری
اکلا شیلور .

پاپاسلری دخی بر کوچک قباح ایتدکلری صورته آحاد ناس کبی
بالحا که تجریم اولنورل . نقط ارتکاب جنایت حالنده پاپاسلق صفتی
سلب اولنوب ارتق صقالنی دخی تراش ایده مز . هر نه جنس و ملتدن
و هر نه مقوله جرم و جنایت اصحابندن اولور ایسه اولسون قره طاغنه
التجا ایدن اشخاص بلاترد قبول اولنوب حال و شانی و سبب
التجاسی تحری و تحقیق اولمز . اوراده توطن ایتک استدیکی حالده
حقنده سائر اهای کبی معامله اولنور . هنوز اهایدن معدود اولماش
بر اجنبی بر قباح ارتکاب ایدر ایسه حقنده یرو معامله سی اولنوب
یالکز طاغدن طرد و اخراجیله اکتفا قلنور .

قره طاغده طائفه نسامر تکب اولدقلری کوچک قباحلرک
مجازاتندن معاف اولوب بو حالده زوج زوجه سندن و پدر قزندن
و برادر همشیره سندن طولایی مشول و معاتب اولور . فقط بر قاری قتل
نفس ارتکاب ایتدیکی تقدیرده رجماً یعنی اوزرینه طاش آتیه رق اعدام

اولنور . قاریلر قورشون و باروت ایله مقاومتیه مقتدر اولدقلری جهته
بولنرك قتلنده قورشون و باروت استعمالی عارعد اولنور .

بر قارینك رجم اولمنسه حکم اولندقدیه بر چوق خلق تجمع ایدوب
هلاک اولنجیه و اوستی اورتولنجیه قدر اوزرینه طاش اتارلر و چوجقلر
بر کوچك قباحت ایتدکلی حالدیه اقباسی تجریم قلنور .

بالاده دخی ذکر اولندیغی وجهله قره طاغلورلر خانهلری بالکلیه
صنعت و انتظامدن عاری اولهرق دیوارلری یوتلماش طاش ایله بنا
اولمش و اوزری اغاج دال و پیراقلریله اورتلش بر طاقم قلوبه زدن
عبارتدر . داخلاری هر درلو مفروشات و تزیناندن خالی اولوب انجق
بر نوع قبالجه و یاخود قوری حصیر طاغلورلجه نعم المصیردر .

سائر ممالکده قرا اهلایسی ییئنده معروف و مستعمل اولان اوجاق
و باجه اصولی مجهوللری اولدیغندن اوطه نك اوزته سنده بز دائرة شکنده
بر قاج پارچه یوتلماش طاش دیزرك ایچنده آتش یاقرلر و تجره لرینی
طوانه باغلور بزنجیره تعلیق ایدرك اشبو اوجاق اوزرنده طعام طبخ
ایتدکلی مثللو قبش موسمنده دخی اطرافنده اوتوروب ایسنورلر . موم
و قندیل یاقق سفاهت عدد اولندیغندن کیچهلری اکثر یاظلمنده اوتوردقلری
مثللو کوندزلری دخی آتش یاندیغی حالدیه باجه اولدیغی جهته طومانندن
اوطه ایچنده کوز کوزی کورمز درجه قراکواق اولور .

البسه و اسلحه لرینی اصمق ایچسون دیوارده بر قاج قازق و بعض
ما کولات وضعنه مخصوص قبا اغاجدن بر قاج راف و ذیقیت عدد
ایتدکلی اموال و اشیارینك حفظنه مخصوص بر کوچك صندوقلری
بولنور . اشته اثاث و تجملات سناهلری بوندن عبارت اولوب فقط اهل
حرب و ضرب اولان سائر اقوام ییئنده دخی معتاد اولدیغی اوزره

عندلرنده اعزاشیا اولان اسلحه نك تعداد و تنوعی مایه مباهات
و مخترتلی اولدیغندن جمله دن اول بونك تداركنه صرف و سع
و قدرت ایدرلر . خارجه بولندقلری حالد اسلحه لری ایله ترین ذات
ایتدکلی مثللو خانهرینك دخی تجملاتی بوکا منحصر در . و سلاحلری
لاقل بر تفنك و بر چفت طبانجه ایله غایت اوزون بر بچاقدن عبارتدر .
قره طاغلورلك البسه لری اکثریا یوكدن معمول غایت قبا
منسوجاتنددر . ارککلر اتکلیری دیز قباغنه یتشور بر نوع بوز عبا
والنده مائی بر دیزلك کیرلر و مذکور عبانك اوزرنده مبشن بر کر ایله
سلاحلق باغلرلر و باشلرینه اطراف سیاه و تپه سی قرمز ی پوسکلر
عادتا فس شکنده بر سرپوش و ایاقلرینه یوك چوراب ایله الی بر
پارچه خام صغر دریسی و اوزری شبكه رسمنده صریم ایله ایشلمش
بر نوع چارق کیرلر . طاغلور صنعت و ظرافتدن بی بهره اولدقلری
جهتله عندلرنده البسه و اشیانك الك پرانغی الك مقبولی عد اولندیغندن
صرمه و امثالی الیشلی شیلره زیاده میل و رغبت ایدرلر و قدرتلی
مساعد اولدیغی حالد بر صوم صرمه لی چبکن تدارکیله هیچ بیقائمش
کوملك اوزرینه کیرلر . ارککلر اکثریا ایکی اوموزلرنده اصیلی ایکی طوبره
طاشوب درونلرینه ازیق و باروت و قورشون قورلر و برده اوموزلرنده
یوكدن معمول (ستروفا) اسمنده غایت قالین و توپلی بر احرام
طاشوب قیرده قالدقلری کیچد بونی هم دوشك و همده یوزغان مقامنده
استعمال ایدرلر ایسه ده بوندن اصل مقصد نفسلرندن ده عزیز
طوتدقلری سلاحلرینك یغموردن محافظه سیدر
هیچ بر قره طاغلو اشبو اسلحه و ادواتی حامل اولدجه بر ادم
یره کتر و کافه توتون ایچدکلرندن اشیا ی مذکوره دن بشقه الرنده
بر چبوق دخی بولنور

قره طاغاسور اشبو قیافت ملیهلرینک هیچ بر جزوئی تبدیل
ویا خودتعدیل ایده مدیکی مثلاً اوزرینه ادنا برشی دخی علاوه ایده مز.
ایچلرندن بریسی خارجهده بولندیغی حالده تبدیل قیافت ایتمش اولسه
یله عودتسنده درحال انی ترك ایله کند ورینه مخصوص البسه
کیمکه مجبور اولور

(منیف)

(بقیه سی صکره)

(مابعد)

(مدخل علم ژئولوژی)

* اجسام غیر کئیفه * اجسام صلبه و مایعه و غازیتهک غیر
اوله رق حواس بشریه ایله ادراک اولور بر طاقم جسملر ده وادردکه
اجسام کئیفه مثلاً نه وزنی و نه ده بر قاب درونده وضعی ممکن اوله مز.
بولر ضیا و حرارت و الکتریک و غالوانیزمه و مانیتزمه اولوب اجسام
سیاله تسمیه اولورلر

ضیانک منبعی شمس اولوب طبیعتک مابه الحیاتیدر . و تأثیرات
واقعه سی جهتیله وجودی حساً معلوم ایهده ماهیت و حقیقتی
الان میدانه چبقار یله مامشدر

ضیانک شمسدن کره ارضه سرعت ورودی عقل و تصورک مافوقنده
اولوب شوبله که حکمانک حساب و تدقیقلرینه کوره شمسدن کره ارضه
طوپ ایله برکله انداخت اولنسه تمام اوتوز سنه مدته کره ارضه